

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis


Schöpflin, Johann Daniel

Carolsruhae, 1765

CCCCXLIV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

hindern, Sonder Syn der, als vorsteht, geruhiglich gebrauchen, geniefsen vnd gäntzlich dabey bleiben lassen vnd hiewider nit thun, noch jemand andern zu thun gestatten in kein Weyfs, als lieb einem jeden sey vnser vnd des Reichs schwäre Vngnad vnd Straffe vnd darzu die Poene in dem obgeschriben Brieff begriffen, zu vermeyden, mit Vr-kund diß briefs, besigelt mit vnserm Königlichen anhangenden Insigel. Geben in vnser vnd des Heiligen Reichs Statt Wormbs, am Drey vnd Zwenzigsten Tag des Monats Junii, nach Christi Geburt, vierzehnhundert vnd im Fünf vnd Neunzigsten, vnserer Reiche des Römischen im zehenden vnd des Hungarischen im Sechsten Jahren.



CCCCXLIV.

LITERÆ PHILIPPI ARCHIDUCIS, QUIBUS CHRISTOPHORUM MARCHIONEM LOCUMTENENTEM SUUM IN CIVITATE VIRDUNENSI CONSTITUIT.

ANNO MCCCCXCVI.

Ex Tabulario Bada-Durlacensi.

PHILIPPE par la grace de dieu Archiduc daustrice duc de bourgoingne de Lothr — de brabant de Stier de Carinte de Carniold de lembourg de Luxembourg & de Gheldres conte de habspourg

de flandres, de Tirol, d'arfois de bourgoingne Palatin & de haynnau, Lantgraue delfate, Marquis de burgauw & du fainct Empire de holande, de Zelande, de ferette, de kiburg, de Namur & de zuypen, Conte Seigneur de frize fur la marche de sclauonie de Portenau de Salins & de Malines. A tous ceulx qui ces presentes lettres verront Salut. Chomme dar certain traiste par nous fait avec nostre trechier & tresame cousin & lieutenant general en noz duche de luxembourg & conte de chiny Christofle Marquis de baden luy auons accorde estre nostre lieutenant & foubzgardien en la cite de verdun, ainsi quil est plus au loing contenu au dit traiste. Et il soit befoing a nostre dit cousin auoir surce noz lettres de commiffion, Sauoir faisons que nous confians entierement en la personne de nostre dit cousin & lieutenant en noz duce de luxembourg & Conte de chini *Christofle Marquis de baden* Iceluy nostre cousin de baden auons commis Ordone & estably, commestons, ordonnons & establissons par ces presentes nostre *lieutenant & foubzgardien en la cite de verdun* au lieu de nostre ame & feal cheualier & chambelain le *seigneur de villernoul*, Lequel de son consentement en auons descharge & deporté, deschargons & deportons par ces dites presentes. En donnant & octroyant par Icelles a nostre dit cousin de baden plain pouuoir auctorite & mandement especial du dit estat de nostre Lieutenant & foubzgardien de la dite cite de verdun exercer & desseruir Et faire bien & loyaulmeut tout ce que nostre lieutenant & gardien dessus dit peult & doit faire & que a Icelluy estat compete & appartient, & selon les pointz articles, forme & maniere descriptes & declaires ez lettres principales de la dite garde tant & si longement, & comme Il est contenu es dites lettres de traite Et a commencer a la date dicelle traite que auons fait

avec nostre dit cousin de baden aux gaiges droiz prouffitz fallaires libertez franchises & emolumens acoustumes & qui y appartient. Surquoy nostre dit cousin a fait le serement pertinent en noz mains Si donnons en mandement a Noz amez & feaulz les Receueurs & gouverneurs de la dite cite de verdun, que le dit nostre cousin Marquis de baden Ilz Recoient mestent & Instituent en la possession du dit office de lieutenant & foubzgardien de la dite cite de verdun Et diceluy Ilz & tous autres le facent seuffrent & laissent en la maniere/que dit est plainement & paisiblement Joyr & vser. Mandons en oultre aus dits Recteurs & gouverneurs Ilz paient & deliurent a nostre dit cousin de baden chacun au les dits gaiges au dit office appartenant Cessans tous contredicts & empechemens au contraire. Car ainsi nous plait Il. En tesmoing de ce nous auons fait mestre nostre seel a ces presentes. Donne en nostre ville de Bruxelles le viii^{me} Jour de Januier Lan de grace Mil quatre cens iiij xx & Seze. Ainsi signe par Monseigneur Larchiduc Numan.